


Image not found

<https://letteraturaeuropea.let.uniroma1.it/sites/all/themes/business/logo.png>

Published on *Lirica Medievale Romanza* (<https://letteraturaeuropea.let.uniroma1.it>)

Home > MARCABRU > EDIZIONE > Pos mos coratges s'esclarzis > Tradizione manoscritta > CANZONIERE C > Edizione diplomatica

Edizione diplomatica




[c. 58vB]

P Us mos cortages **B(er)nat**
esclarzis. **de uentedor(n)**
per selh ioy don?t ieu suy
lauzens. e uey q(ua) mors
part e cauzis. per quieu nesper
estrenamens. ben dey tot mo(n) cha(n)
esmerar. quom re nomi puesca
falsar. que per pauc es hom des
mentitz.

S elh en qui sestamor cauzis.
ioues cortes e sapiens. e selh cuj
refuda delis. e met a totz destruj-
mens. quar q(ui) fina mor uol blas
mar. elhal fai si en folh muzar.
que per outra cug es peritz.

S o son fals iutges raubadors.



[c. 59rA]

fals molheratz e iurador. fals
homes cinz e lauzengier. len-
gua loguat creba mostier. (et) ais
sellas putas ardens. queron
dautruj maritz cossens. cyst
auran guazanh ifernau.

Homicidas e traidor. simoni-
aix encantador. luxurios e re-
nouier. que uiuon denujos
mestier. e selhs que fan faitil-
haimens. elas faitileiras pude(n)s.
seran el fuec arden eguau.

E briaicx (et) escogossatz. fals pre-
ueires e fals abatz. falsas resclu-
zas fals resclus. lai penran so dis
marchebus. tot li fals yan lor
luec pres. que finamors o a pro-
mes. lai er dols dels dezesperatz.

Ha fina mors fons de bontatz.
merce ti clam lai nom a cus. em
defendas quieu lai non us. en
totz luecx me tenh per tom pres.
per ton lairon en totas res. p(er) tu
esper estre guidatz.

Mon cor per aquest uers destre(n)h.
quar mi plus quels autres rep(re)nh.
que qui autruj uol encolpar. dregs
es que si sapha guardar. que no
sia dels crims techitz. de q(ue) lieys
encolpa e ditz. pueis poira segurs
castiaR.

- letto 921 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-1271>